

虞
初
新
志

自敘

古今小說家言指不勝僂大都
餽飭人物補綴欣戚累牘連篇
非不詳贍然優孟叔敖徒得其
似而未傳其真強笑不懽強哭

不戚烏足令耽奇攬異之士心
開神釋色飛睂舞哉况天壤間
瀨氣卷舒鼓盪激薄變態萬狀
一切荒誕奇僻可喜可愕可歌
可泣之事古之所有不必今之

所無古之所無忽爲今之所有
固不僅飛仙盜俠牛鬼蛇神如
夷堅艷異所載者爲奇矣此虞
初一書湯臨川稱爲小說家之
珍珠船點校之以傳世洵有取

爾也獨是原本所換述盡撫唐人軼事唐以後無聞焉臨川續之合爲十二卷其間調笑滑稽離奇詭異無不引人着勝究亦簡帙無多蒐采未廣予是以慨

然有虞初後志之輯需之歲月
始可成書先以虞初新志授梓
問世其事多近代也其文多時
賢也事奇而覈文雋而工寫照
傳神彷彿摹逼肖誠所謂古有而

今不必無古無而今不必不有
且有理之所無竟爲事之所有
者讀之令人無端而喜無端而
愕無端而欲歌欲泣誠得其真
而非僅傳其似也夫豈彊笑不

惟彊哭不戚餽飭補綴之稗官
小說可同日語哉學士大夫酬
應之餘伊吾之暇取是篇而瀏
覽之匪惟滌煩祛倦抑且縱橫
俛仰開拓心胸具達觀而發曠

懷也已

康熙癸亥新秋心齋張潮謨

虞初新志

凡例十則

文人銳志鑽研無非經傳子史學士馳情漁獵多
屬世說稗官雖短詠長歌允稱遊戲卽填詞雜劇
備極滑稽未免數見而不鮮抑亦常談而多複茲
集倣虞初之選輯倣若士之點評任誕矜奇率皆
實事搜神括異絕不雷同庶幾舊調翻新敢謂後
來居上

虞初志原本不載選者姓名湯臨川續編未傳作

者氏號俱爲憾事。或屬闕文。載考委宛。餘編虞初爲漢武帝時小吏。衣黃乘輜。采訪天下異聞。以是名書。亦猶志怪之帙。卽齊諧以爲名集。異之書。本夷堅而著號。

一切選家。必以作者年代爲準。百凡評次。鮮以其事時世爲衡。如史記追邇三代以前。而選文止稱一字曰漢是也。故志中之事。或屬前時。而紀事之人。實生當代。自應入選。詎可或遺。

一事而兩見者。叙事固無異。同行文必有詳畧。如

大鐵椎傳一見于寧都魏叔子一見于新安王不
巷二公之文真如趙璧隋珠不相上下顧魏詳而
王畧則登魏而逸王祇期便于覽觀非敢意爲軒
輊。

賴古堂藏并結隣諸選彙其人之文專系子姓名
之下。綢寄齋尺牘新語三編別其文之類分叙于
卷頁之中。固云整整齊齊未覺疎疎落落。今茲選
錯綜無次。庶不涉于拘牽。且其事荒誕不經。無庸
分夫門類。讀書之暇。展卷儘可怡神。倦息之餘。披

繙自能審目

序爵序齒從來選政所無或後或先總以郵筒爲次不能虛簡以待亦難縮地而求隨到隨評卽付剗剗之手投函投刺勿煩酬酢之勞次第未可拘拘知交定稱爾爾

文自昭明而後始有選名書從匡鄭以來漸多箋釋益由流連欣賞隨手腕以加評抑且闢發揄揚並胸裊而迸露茲集觸目賞心漫附數言于篇末揮毫拍案忽加贅語于幅餘或評其事而忼慨激

昂或賞其文而咨嗟唱嘆敢謂發明聊抒興趣既
自怡悅願共討論

鄙人性好幽奇衷多感憤收神仙英傑寓意四懷

外史奇文寫心一啟

予向有才子佳人英雄神主
仙四懷詩及徵選外史啟

平李逢秘本不憚假抄偶爾得遇異書輒爲求購
革魏菟羅米廣尤慚采輯無多凡有新篇速祈惠
教并望乞鄰而與無妨舉爾所知

是集祇期表彰軼事傳布奇文非欲借選沽名居
奇射利已經入選者儘多素不相知將來授梓者

何必盡皆舊識。自當任剗剗之費。不望惠梨棗之
貲。免致浮沉。早邇珠玉。

海內名家。尙多未傳之作。坊間定本。俱爲數見之
書。幽人素嗜探奇。尤耽考異。此選之外。尙有刪選
古世說。古文尤雅。古文辭法。傳集布粟集。壯遊便
覽諸書。次第告竣。就正有道。凡有繆斲。幸賜教言。
心齋主人識于廣陵之詒清堂。

虞初新志目錄

新安張
湖山來氏輯

卷之一

大鐵椎傳

寧都
魏禧
冰叔

秋聲詩白序

晉江
林嗣環
鐵崖

盛此公傳

大梁
周亮工
棟園

湯琵琶傳

南昌
王猷定
予一

小青傳

失名

義猴傳

鹽城
宋曹
射陵

卷之二

柳敬亭傳

太倉 吳偉業 梅村

汪十四傳

錢塘 徐士俊 野君

武風子傳

桐城 方亨咸 邵村

記老神仙事

桐城 方亨咸 邵村

瑤宮花史小傳

長洲 尤侗 悔菴

九牛壩觀觥戲記

豫章 彭士望 達生

卷之三

馬伶傳

商丘 侯方域 朝宗

顧玉川傳

川陰

曹禾

我署

冑姬董小宛傳

金沙

張明弼

公亮

賣酒者傳

寧都

魏禧

叔子

一瓢子傳

華容

嚴首昇

平子

宋連璧傳

樂安

李煥章

象先

卷之四

義虎記

洪都

王猷定

于一

丁葑園外傳

錢塘

林璐

鹿巷

寄暢園聞歌記

莆田

余懷

簪心

陳小憐傳

黃岡杜濬茶村

賣花老人傳

江都宗元鼎定九

神鉞記

盱江徐芳仲光

焚琴子傳

梁溪顧彩天石

四氏子傳

金壇張明弼琴牧

卷之五

魯顛傳

海寧朱一是近修

換心記

盱江徐芳拙菴

秦淮健兒傳

金華李漁笠翁

山東四女祠記

姑蘇黃始靜御

林四娘記

三山林雲銘西仲

乞者王翁傳

町江徐芳拙菴

雷州盜記

建昌徐芳仲光

花隱道人傳

游寧朱一是欠菴

卷之六

張南垣傳

太倉吳偉業柳村

孫文正黃石齋兩逸事

桐城方苞望溪

郭老僕墓誌銘

商丘侯方域朝宗

五人傳

宣城吳肅公街南

蕭洞虛小傳

臨川傅占衡

鬼孝子傳

鹽城宋曹射陵

黃履莊小傳

武林戴榕文昭

卷之七

書戚三郎事

豫儀周亮工減齋

象記

錢塘林璐鹿巷

姚江神燈記

海寧朱一是近修

紀盜

潯陽 楊衡選 聖藻

化虎記

豫章 徐芳 仲光

義犬記

盱江 徐芳 仲光

奇女子傳

建昌 徐芳 仲光

曲全節義疏

阿畢阮

卷之八

江石芸傳

豫章 吳良樞 璿在

耕雲子傳

潯邨 洪嘉植 去蕪

吳孝子傳

寧都 魏禱 冰叔

李一足傳

南昌

王猷定于一

孝賊傳

洪都

王猷定于一

王翠翹傳

莆田

余懷淡心

戴文進傳

錢塘

毛先舒稚黃

聶樵傳

錫山

顧彩天石

趙希乾傳

南豐

甘表中素

萬夫雄打虎傳

江寧

張愬南村

卷之九

劍俠傳

濟南

王士正阮亭

皇華紀聞

新城

王士正

貽上

毛女傳

江陰

陳鼎

定九

寶發生傳

錢鼎

陸次雲

雲士

王義士傳

江陰

陳鼎

定九

紀陸子容事

仁和

王暉

丹麓

雌雌兄傳

蓉江

陳鼎

定九

再來詩識記

沙張白

定峰

卷之十

筠廊偶筆

荷丘

宋肇

漫堂

金忠榮公傳

毘陵 董以寧 文友

核舟記

嘉善 魏學伊 于敬

沈孚中傳

武林 陸次雲 雲士

愛鐵道人傳

古黔 陳鼎 定九

北墅奇書

錢塘 陸次雲 雲士

鬼母傳

興化 李清 映碧

狗皮道士傳

黔中 陳鼎 定九

烈狐傳

貴州 陳鼎 定九

卷之十一

過百齡傳

錫山 秦松齡 蜀仙

八大山人傳

江陰 陳鼎 定九

圓圓傳

武林 陸次雲 雲士

蕭翁傳

蓉江 陳鼎 定九

客窗涉筆

失名

聞見卮言

嘉善 顧理美 輝六

樵書

蕭山 來集之 元成

錢塘于生三世事

毘陵 陳玉璣 椒峰

活死人傳

江陰 陳鼎 定九

義牛傳

蓉江 陳鼎 定九

卷之十二

邵士梅傳

上海 陸鳴珂 次山

彭望祖傳

江陰 陳鼎 定九

程弱文傳

會稽 羅坤 弘載

薛永道人傳

蓉江 陳鼎 定九

劉醫記

晉陵 陳玉璣 椒峰

湖壖雜記

錢塘 陸次雲 雲士

看花述異記

仁和 王暉 木菴

孝犬傳

江陰陳鼎定元

卷之十三

曼殊別志書磚

蕭山毛奇齡大司

補張靈崔瑩合傳

鍾山黃周星九州

陳老蓮傳

蕭山毛奇齡初晴

桑山人傳

蕭山毛奇齡大可

李姬傳

商丘侯方域朝宗

記縊鬼

泰郵王明德今樵

卷之十四

平苗神異記

永平王謙 揭齋

紀老生妄訟

錢塘吳陳琰 寶崖

會仙記

宜興徐階鳳 竹逸

太恨生傳

荆溪徐瑤 大璧

瘞水盞子銘

蕭山毛奇齡 僧彌

姍姍傳

武進黃永 雲孫

卷之十五

同夢記

古蕩閻秀錢宜 在中

述怪記

蘇州繆彤 歌起

啞孝子傳

廣陽王 潔 汲公

孝丐傳

仁和王 暉 片龍

乩仙記

臨海 洪若皇 吳都

中冷泉記

安慶 潘 介 勿石

髯參軍傳

無錫 徐 瑤 天璧

李丐傳

蓬安 毛際可 會侯

書鈿閣女子印章前

河南 周亮工 元亮

書王

安節 印章前

祥符 周亮工 棧園

書姜次公印章前

豫儀 周亮工 臧齋

卷之十六

因樹屋書影

豫儀 周亮工 樸園

記桃核念珠

平湖 高士奇 澹人

核工記

滄洲 宋起鳳 紫庭

張南村傳

瀘州 先 著 遷甫

劉酒傳

豫儀 周亮工 誠齋

記古鐵條

杭州 詹鍾玉 去矜

唐仲言傳

豫儀 周亮工 樸園

李公起傳

豫儀 周亮工 誠齋

記吳六奇將軍事

吳江 鈕 琇 玉樵

卷之十七

紀袁生遇仙始末

遂安 毛際可 崔舫

閔孝子傳

江寧 吳 晉 介菴

人觚

平江 鈕 琇 玉樵

事觚

平江 鈕 琇 玉樵

物觚

平江 鈕 琇 玉樵

名捕傳

姚 伯祥

卷之十八

聖師錄

仁和王言慎旃

海天行記

吳江鈕琇玉樵

卷之十九

七奇圖說

西洋南懷仁

詔菴偶筆

新安汪

柳軒叢談

黼虹筆記

燕觚

吳江鈕琇玉樵

豫觚

吳江鈕琇玉樵

秦瓠

吳江 鈕琬 王樵

吳瓠

吳江 鈕琬 王樵

卷之二十

三儂贅人廣自序

蘇州 汪 价 介人

虞初新志卷之一

新安張 潮山來氏輯

大鐵椎傳

魏 禧 冰叔

大鐵椎不知何許人。北平陳子燦省兄河南。與遇宋將軍家。宋懷慶青華鎮人。工技擊。七省好事者皆來學。人以其雄健。呼宋將軍云。宋弟子高信之。亦裏慶人。多力善射。長子燦七歲。少同學。故嘗與過宋將軍。時座上有健啖客。貌甚寢。右脇夾大鐵椎。重四五十

斤。飲。食。拱。揖。不。暫。去。柄。鐵。摺。疊。環。複。如。鎖。上。練。引。之。
長。丈。許。與。人。罕。言。語。語。類。楚。聲。扣。其。鄉。及。姓。字。皆。不。
答。既。同。寢。夜。半。客。曰。吾。去。矣。言。訖。不。見。子。燦。見。牕。戶。
皆。閉。驚。問。信。之。信。之。曰。客。初。至。不。冠。不。襪。以。藍。手。巾。
裹。頭。足。纏。白。布。大。鐵。椎。外。一。物。無。所。持。而。腰。多。自。金。
吾。與。將。軍。俱。不。敢。問。也。子。燦。寐。而。醒。客。則。鼾。睡。炕。上。
矣。一。日。辭。宋。將。軍。曰。吾。始。聞。汝。名。以。爲。豪。然。皆。不。足。
用。吾。去。矣。將。軍。強。留。之。乃。曰。吾。嘗。奪。取。諸。响。馬。物。不。
順。者。輒。擊。殺。之。衆。魁。請。長。其。群。吾。又。不。許。是。以。讐。我。

久居此禍必及汝。今夜半方期我決鬪某所。宋將軍欣然曰。吾騎馬挾矢以助戰。客曰。止。賊能且衆。吾欲護汝。則不快吾意。宋將軍故自負。且欲觀客所爲。力請客。客不得已。與偕行。將至鬪處。送將軍登空堡上。曰。但觀之。慎勿聲。令賊知汝也。時鷄鳴。月落。星光照曠野。百步見人。客馳下。吹觱篥數聲。頃之賊二十餘騎四面集。步行負弓矢從者百許人。一賊挺刀縱馬奔客曰。奈何殺我兄。言未畢。客呼曰。椎賊。應聲落馬。人馬盡裂。衆賊環而進。客從容揮椎入馬。四面仆地。

下殺三十許人。宋將軍屏息觀之。股栗欲墜。忽聞客
大呼曰。吾去矣。但見地塵起。黑煙滾滾。東向馳。後遂
不復至。

魏禧論曰。子房得滄海君力士。椎秦皇帝。博浪沙中。
大鐵椎其人。與天生異人。必有所用之。予讀陳同甫
中興遺傳。豪俊俠烈魁奇之士。泯泯然不見功名于
世者。又何多也。豈天之生才。不必爲人用。與抑用之
自有時。與。子燦遇大鐵椎。爲壬寅歲。視其貌。當年三
十。然則大鐵椎。今四十耳。子燦又嘗見其寫市物帖。

子。甚工楷書也。

張山來曰篇中點晴在三稱吾去矣句至其歷落
入古處如名手畫龍有東雲見鱗西雲見爪之妙

秋聲詩自序

林嗣環

撰

微呆子嘗正秋之日。敝門簡出。檀有鍼壁有束甲。苦無可排解者。然每聽謠詠之來。則濡墨吮筆而爲詩。詩成以秋聲名篇。適有數客至。不問何人。留共醉酒。酣令客各舉似何聲最佳。一客曰。機聲。兒子讀書聲。佳耳。予曰。何言之莊也。又一客曰。堂下呵騶聲。堂後笙歌聲。何如。予曰。何言之華也。又一客曰。姑婦楸枰聲。最佳。曰。何言之位也。一客獨嘿嘿。乃取大杯滿酌。而前曰。先生喜聞人所未聞。僕請數言爲先生撫掌。

可乎。京中有善口技者。會賓客大譌于廳事之東北。角施八尺屏障。口技人坐屏障中。一桌一椅一扇一撫尺而已。衆賓圍坐。少頃。但聞屏障中撫尺二下。滿堂寂然。無敢譁者。遙遙聞淡巷犬吠聲。便有婦人驚起。大伸搖其夫。夫語狼褻。事夫嚙語。初不甚應。婦搖之。益厲。二人語漸聞。雜牀又從中戛戛。旣而兒醒。大啼。夫令婦撫兒乳。兒含乳啼。婦拍而鳴之。夫起溺婦。亦抱兒起溺牀上。又大兒醒。猶不止。當是時。婦手拍兒聲。口中鳴聲。兒含乳啼聲。大兒初醒聲。牀聲。

夫此大兒聲。溺。鉗。中聲。溺。桶。中聲。一齊。湊。發。衆妙。畢。
備。滿。座。賓。客。無。不。伸。頸。側。目。微。笑。嘿。歎。以。爲。妙。絕。也。
旣。而。夫。上。牀。寢。婦。又。呼。大。兒。溺。畢。都。上。牀。寢。小。兒。亦。
漸。欲。睡。夫。躬。聲。起。婦。拍。兒。亦。漸。拍。漸。止。微。聞。有。鼠。作。
作。索。索。盆。器。傾。側。婦。夢。中。咳。嗽。之。聲。賓。客。意。少。舒。稍。
稍。正。坐。忽。一。人。大。呼。火。起。夫。起。大。呼。婦。亦。起。大。呼。兩。
兒。齊。哭。俄。而。百。千。人。大。呼。百。千。兒。哭。百。千。狗。吠。中。間。
力。拉。崩。倒。之。聲。火。爆。聲。呼。呼。風。聲。百。千。齊。作。又。夾。百。
千。求。救。聲。曳。屋。許。許。聲。搶。奪。聲。潑。水。聲。凡。所。應。有。無。

所。不。有。雖。人。有。百。手。手。有。百。指。不。能。指。其。一。端。人。有。
百。口。口。有。百。舌。不。能。名。其。一。處。也。于。是。賓。客。無。不。變。
色。離。席。奮。袖。出。臂。兩。股。戰。戰。幾。欲。先。走。而。忽。然。撫。尺。
一。下。羣。响。畢。絕。撤。屏。眎。之。一。人。一。桌。一。椅。一。扇。一。撫。
尺。而。已。嘻。若。而。人。者。可。謂。善。畫。聲。矣。遂。錄。其。語。以。爲。
秋。聲。序。

張山來曰絕世奇技復得此奇文以傳之讀竟輒
浮大白

盛此公傳

周亮工

盛此公名于斯。南陵人家。故不貲。先世有義聲。屋以內多藏書。外多良田。此公年十數齡。卽能讀等身書。有聲邑里。長肆力爲古文詞。雖不中有司尺度。而聲稱籍甚。然是時此公但閉戶讀書。固不出與人見也。會其尊人捐館舍。乃抗俠好交。邑里人才智咸出此公下。此公乃以爲無足語。去而之秣陵。欲盡交東南士。東南士亦願交此公。此公以爲世且亂。吾當見天子。慷慨言當世事。彼經生何足語。會求其人於屠狗。

聞於是益散金結客。遂爲廣陵兒所詒。是時邊事急。廣陵兒諷此公出家貲。備公家緩急。此公故慷慨欲見天子言當世事。乃爲所中久之事。卒不濟。而金垂盡。嗒然與世無所合。退而返里閭。里閭又嗤笑之。此公益不復事事。產益落。所爲文益不合。有司尺度。侘傺無聊。多飲酒。與婦人近。不數年病矣。少瘡。右臂詘。中不已。若指遂不詘。中此公故工書。巧其書者。輒以左手濡墨。納右指。箴中見者以爲苦。顧其書則益工。時爲人據石。掌窠書。好爲詩。酒後嗚嗚吟不已。間至

秣陵。遜制舉義行之。非其志也。歲在辛未。予自大梁
來秣陵。省家大人。家大人好此公詩。語亮曰。此間有
盛此公。工爲詩。兒識之。亮因以父命往交此公。此公
獨異予。以爲恨。不十載。前識明年。此公目病。數明晦。
或不能視。予竊憂之。諷其勿讀書飲酒。此公曰。如是
不如其遂盲也。會目病甚。又念母老。乃別予歸。意恰
然。若不復與予見者。予私以爲予當復見之。意以其
盲而止耳。孰意遂不復見耶。此公歸。吾師靜原相公
方督學江以北。耳其名。詢之郡大夫。郡大夫以盲告。

公曰江以北其不盲者何限耶於是邑令盲試之旅諸士進於郡大夫郡大夫復盲試之旅諸士進於公公大奇之乃得補博士弟子員嗟夫此公盲矣猶不忌視屈其二十年銳往之氣類而與邑之黃口兒扶掖予予旅進旅退爭有司階前盈尺地而不慚豈不悲哉豈不悲哉試後猶寄語予曰盲兒無以慰老親子母嗟予爲悲動者久之因慨夫祖宗立法過嚴士卽負奇材抱異質魁奇特起不詭首就有司尺度他途無由進又慨之

能於成格之中破

側待人。使。既。盲。之。士。猶。得。出。而。就。有。司。尺。度。且。不。惜。
階。前。盈。尺。地。與。盲。士。妮。妮。不。休。嗟。夫。此。固。昌。黎。代。張。
太。祝。望。之。當。世。而。不。得。者。今。得。之。公。豈。不。甚。盛。舉。哉。
又。明。年。癸。酉。予。自。秣。陵。返。大。梁。聞。此。公。以。日。久。不。愈。
愈。憤。激。家。益。窘。乏。無。從。得。醫。藥。於。是。遂。長。盲。矣。然。嗚。
嗚。吟。如。往。昔。丐。其。書。者。以。筆。濡。墨。納。右。指。箴。中。如。其。
不。盲。時。此。公。以。手。捫。幅。兔。起。鶻。落。神。采。奕。奕。視。不。盲。
時。有。加。環。觀。者。自。愧。其。雙。眸。炯。炯。也。益。好。讀。書。危。坐。
繩。牀。聽。他。人。誦。夏。番。不。令。休。入。耳。輒。記。憶。不。遺。有。所。

撰述且授友人涓涓汨汨凡數人不能拱筆札常以書寄予大梁至數千言言子當不長貧賤他日擁節江上取道南陵魁湖之北桃源之南予墓在焉子當登我堂拜我老母爲我書石曰盛此公埋骨處子願足矣他則子之事也予何言予得其書忽忽如失者數日知此公將不永矣不數日凶問至予爲位哭之會予成進士官山左不能卽至秣陵比至秣陵欲買舟省盛母會亂甚又不果行乃使掾往慰盛母掾歸爲予言盛母年且開八袞妻倍孝謹故無子一女先

盛沒一老僕。樵以供。兩孀婦。糠豆不贍。裋褐不完。敗
屋數楹。不蔽風雨。行道見之。咨嗟而爲之友者。弔唁
闕然。嗟夫。天乎。孰使此公而至此極耶。予解橐金。復
促掾往。贖其田之易與族人者。佐盛母。饋粥。市石。檨
南陵令碑。其墓。予自書。盛此公埋骨處。從其生時請
也。西蜀。螺菴陳公。時守宛陵。公在大梁。蓋常聞予數
言南陵盛。此公不置。邑屬公。公乃檄令視盛母。無恙
手書盛。此公讀書處。爲額懸其常危坐繩牀側。復允
予請。以其行誼補郡乘。其讀書之屋。蓋已受值。期以

盛母存沒不能待盛妻也。予歸其值。祀此公於中俾其老僕世守之。此公好爲古文詞。盲而夙無子弟爲之收拾。故多散亂。其所著如毛詩名物攷三十卷。休菴雜鈔十卷。歷法二卷。輿地攷十卷。群書攷索十二卷。今所傳者獨名物考耳。他皆不傳。予遺掾就其家鈔遺書。盛母泣而曰。兒著書咸爲人竊去。惟存詩若干卷。老年人坐則懸之。卧則枕之。老年人不卽填溝壑者。憐吾兒並數寸之書亦不傳耳。今且托之周君子受而泣。因爲之次弟壽之梓。嗟夫。此公能文章。

而不以文顯。好彎弓馳驅。而不以將名行。諱不愧古。
人。而不以行徵。工爲詩。而不以詩碎。黃金旣盡。日徒
憤激。退而自悔。又以盲死。篋簾未占。嗣續中絕。老母
寡妻。形影相弔。生平故舊。不爲存問。遺書狼籍。行誼
莫傳。徒存此數卷之詩。懸命於七十餘年。母氏之手。
使不知此公者。讀其詩。以爲其才且盡於此。而知者
因其已。然想其未然。咨嗟太息。不能已已。嗟夫。孰使
此公而至此極耶。夫士旣不能塊然獨處。則不得不
出而與人交。與人交。不受其益。徒爲所害。如此。此雖

其不慎交游所致。然孰非天哉。孰非天哉。天爲庸流
俾長守富貴。少爲姱節奇行者。必陰摧折之。從來久
矣。予又何憾於廣陵兒哉。此公初名錢。今尺牘中所
傳盛錢侯是也。

張山來曰。古今盲而文者。自左卜以下。推吾家張
藉。今得此公益不寂寞矣。然諸人僅工詩文。而此
公復能書。則尤奇也。

湯琵琶傳

王猷定

湯應會。邳州人。善彈琵琶。故人呼爲湯琵琶。云貧無妻事母甚孝。所居有石楠樹。構菲屋奉母朝夕。幼好音律。聞歌聲輒哭。已學歌。歌罷又哭。其母問曰。兒何悲。應會曰。兒無所悲也。心自淒動耳。世廟時。李東垣善琵琶。江對峰傳之名播京師。江歿。陳州蔣山人獨傳其妙。時周藩有女樂數十部。咸習蔣技。罔有善者。王以爲恨。應會往學之。不期年而成。聞于王。王召見。賜以碧鏤牙篴琵琶。令著宮錦衣。殿上彈胡笳十八

拍哀楚動人王。淡賞歲給米萬斛以養其母。應曾由
是著名大梁間。所至狹邪爭慕其聲。咸狎暱之。然頗
自矜重。不妄爲人奏。後征西王將軍招之幕中。隨歷
嘉峪。張掖。酒泉諸地。每獵及閱士。令彈塞上之曲。戲
下頰骨打者。善戰陣。其臨敵令爲壯士聲。乃上馬殺
賊。一日至榆關。大雪。馬上聞箏篴忽思母。痛哭遂別
將軍去。夜宿酒樓。不寐。彈琵琶作箏篴聲。聞者莫不
墮涕。及旦。一鄰婦詣樓上曰。君豈有所感乎。何聲之
悲也。妾孀居十載。依于母而母亡。欲委身。無可適者。

願執箕帚爲君婦。應會曰：若能爲我事母乎？婦許諾。遂載之歸。襄王聞其名，使人聘之。居楚者三年，偶汧洞庭風濤大作，舟人惶擾，失措。應會遂坐彈洞庭秋思，稍定。舟泊岸，見一老猿，鬚眉甚古，自叢箐中跳入篷牕，哀號中夜。天明，忽抱琵琶躍水中，不知所在。自失故物，輒惆悵不復彈。已歸省母，母尚健，而婦已亡。惟居窆，坏土在焉。母告以婦亡之久，有猿啼戶外，啓戶不見。婦謂我曰：吾待郎不至，聞猿啼何也？吾殆歟。惟久不聞郎琵琶聲，倘歸爲我一奏石楠之下，應會

聞母言掩抑哀痛不自勝。夕陳酒漿。彈琵琶于其墓。而祭之。自是猖狂自放。日荒酒色。值寇亂。負母鬻食。兵間耳目聾瞽。鼻漏人不可邇。名之者隔以屏障。聽其聲而已。所彈古調百十餘曲。大而風雨雷霆。與夫愁人思婦。百蟲之號。一艸一木之吟。靡不于其聲中傳之。而尤得意于楚漢一曲。當其兩軍夾戰時。聲動天地。瓦屋若飛墜。徐而祭之。有金聲。鼓聲。劍弩聲。人馬聲。易聲。俄而無聲。久之有怨而難明者。爲楚歌聲。淒而壯者。爲項王悲歌慷慨之聲。別姬聲。前大澤有

追騎聲至。烏江有項王自刎聲。餘騎蹂踐爭項王聲。使聞者始而奮。既而恐。終而涕淚之無從也。其感人如此。應曾年六十餘。流落淮浦。有桃源人見而憐之。載其母同至桃源。後不知所終。

軫石王子曰。古今以琵琶著名者多矣。未有如湯君者。夫人苟非有至性。則其情必不深。烏能傳於後世乎。戊子秋。予過君公路浦。已不復見君。曩者衣官錦之盛矣。明年復訪君。君坐土室。作食奉母。人爭賤之。予肅然加敬焉。君仰天呼呼曰。已矣。世鮮知音。吾事

老母百年後將投身黃河外矣。予悽然許君立傳。越五年乃克爲之。嗚呼。世之淪落不偶而嘆息於知意者。獨君也乎哉。

張山來曰。韓昌黎。潁師琴詩。毆陽子謂其是聽琵琶。予初疑之。蓋以琵琶未必能如詩中所云之妙也。今讀此文。覺爾汝軒。頃刻變換。潯陽江口。尙遂一籌耳。

小青傳

小青者虎林某生姬也。家廣陵。與生同姓。故諱之。僅以小青字云。姬夙根穎異。十歲遇一老尼。授心經。一再過了。覆之不失一字。尼曰。是兒蚤慧。福薄。願乞作弟子。卽不爾。無令識字。可。三十年活爾。家人以爲妄。嗤之母。本女塾師。隨就學。所遊多名閨。遂得精涉諸技。妙解聲律。江都固佳麗地。或諸閨彥雲集。茗戰手語。衆偶紛然。姬隨變酬答。悉出意表。人人唯恐失姬。雖素嫻儀則。而風期異艷。綽約自好。其天性也。年

十六歸生生豪公子也。性嘈啞。憨跳不韻。婦更奇妒。姬曲意下之。終不解。一日隨遊天竺。婦問曰。吾聞西方佛無量。而世多專禮大士者。何。姬曰。以其慈悲耳。婦知諷已。笑曰。吾當慈悲汝。乃徙之孤山。別業。誠曰。非吾命而郎至。不得入。非吾命而郎手札至。亦不得入。姬自念。彼置我閒地。必密伺短長。借莫須有事。魚肉我。以故。淡自歛戢。婦或出遊。呼與同舟。遇兩堤之馳騎。挾彈遊冶少年。諸女伴。指點譁躍。俟東俟西。姬澹然凝坐而已。婦之戚屬某夫人者。才而賢。嘗就姬。

學奕絕愛憐之。因數取巨觴。觴婦。婦已醉。徐語姬曰。船有樓。汝伴我一登。比登樓。遠眺久之。撫姬背曰。好光景。可惜。毋自苦。章臺柳亦倚紅樓。盼韓郎走馬。而子作蒲團空觀耶。姬曰。賈平章劍鋒可畏也。夫人笑曰。子悞矣。平章劒鈍。女平章乃利害耳。頃之從容。諷曰。子旣嫺儀。則又多技能。而風流綽約。復爾。豈當墮羅剎國中。吾雖非女俠。力能腕子。火坑頃言。章臺柳子非會心人耶。天下豈少韓君乎。且彼縱善遇子。子終向黨將軍帳下作羔酒侍兒乎。姬曰。夫人休矣。

妾幼夢手折一花。隨風片片着水。命止此矣。夙業未了。又生他。想彼冥曹。姻緣簿非吾。如意珠再辱奚爲。徒供群口。畫描耳。夫人嘆曰。子言亦是。吾不子強。雖然。子亦宜自愛。彼或好言飲食。汝乃更可慮。卽旦夕所須。第告我無害。因相顧泣下霑衣。徐拭淚還座。尋別去。夫人每向宗戚語及之。無不各嗟歎。息云。姬自後幽憤悽惻。俱托之詩。或小詞。而夫人後亦旋宦遠方。姬益寥閤。遂感疾。婦命醫來。仍遣婢捧藥至。姬伴感謝。婢出擲藥牀頭。嘆曰。吾卽不顧生。亦當以淨體。

數依作劉安鷄犬豕以一盃燭斷送耶然病益不支
水粒俱絕日飲梨汁蓋許益明妝冶服擁襪欹坐或
呼琵琶婦唱百詞以遣雖數暈數醒終不蓬首偃臥
也忽一日語老嫗曰可傳語寃業郎覓一良畫師來
師至命寫照寫畢攬鏡熟視曰得吾形似矣未盡吾
神也姑置之又易一圖曰神是矣而風態未流動也
若見我而目端手莊太矜持故也姑置之命捉筆于
旁而自與嫗指顧語笑或扇茶鐺簡圖書或代調丹
碧諸色縱其想會久之復命寫圖圖成極妖纖之致

笑曰可矣。師去卽取圖供榻前。薰名香。設梨酒奠之。
曰小青。小青此中豈有汝緣分耶。撫几而泣。淚雨潛
潛下一。慟而絕。時萬曆壬子歲也。年纔十八耳。哀哉。
人美于玉。命薄于雲。瓊蕊優曇。人間一現。欲求如杜
麗娘牡丹亭畔。重生安可得哉。日向暮。生始踉蹌來。
披帷見容光藻逸。衣袂鮮好。如生前無病時。忽長號
頓足。嘔血升餘。徐簡得詩一卷。遺像一幅。又一緘寄
某夫人。啓視之。紋致惋痛。後書一絕句。生痛呼曰。吾
負汝。吾負汝。婦聞恚甚。趨索圖。乃匿第三圖。僞以第

一圖進立焚之。又索詩。詩至亦焚之。廣陵散從茲絕矣。悲夫。楚燭成烈。何不以紀信誑之。則罪不在婦。又在生耳。及再簡草稿。業散失盡。而姬臨卒時取花鈿數事贈姬之小女。視以二紙。正其詩稿。得九絕句。一古詩。一詞。併所寄某夫人者。共十二篇。古詩云。雪意閣雲雲不流。舊雲正壓新雲頭。米顛顛筆落牕外松。嵐秀處當我樓。垂簾只愁好景少。捲簾又怕風繚繞。簾捲簾垂底事難。不情不緒誰能曉。爐烟漸瘦剪聲小。又是孤鴻唳悄悄。絕句云。稽首慈雲大士前。莫生

西土莫生天。願爲一滴楊枝水。灑作人間並蒂蓮。春
衫血淚點輕紗。吹入林逋處士家。嶺上梅花三百樹。
一時應變杜鵑花。新粧竟與畫圖爭。知在昭陽第幾
名。瘦影自臨秋水照。卿須憐我我憐卿。西陵芳草騎
驎驎。內使傳來喚踏春。盃酒自澆蘇小墓。可知妾是
意中人。冷雨幽窗不可聽。挑燈閒看牡丹亭。人間亦
有癡于我。豈獨傷心是小青。何處雙禽集畫闌。朱朱
翠翠似青鸞。如今幾箇憐文彩。也向秋風鬪羽翰。脈
脈溶溶灩灩波。芙蓉睡醒欲如何。妾映鏡中花。淚水

不。知。秋。思。滋。深。之。以。爲。江。江。班。班。一。帶。環。珠。衆。後。
收。直。得。樓。前。身。一。死。季。倫。原。是。解。風。流。鄉。心。不。畏。兩。
峰。高。昨。夜。慈。親。入。夢。遙。見。說。浙。江。潮。有。信。浙。潮。爭。似。
廣。陵。潮。其。天。仙。子。詞。云。文。姬。遠。嫁。昭。君。塞。小。青。又。續。
風。流。債。也。虧。一。陣。黑。風。火。輪。下。抽。身。快。單。單。別。別。
清。涼。界。原。不。是。鴛。鴦。一。派。休。算。做。相。思。一。槩。自。思。自。
解。自。商。量。心。可。在。魂。可。在。着。衫。又。撚。裙。雙。帶。與。某。夫。
人。書。云。元。元。叩。首。瀝。血。致。啓。夫。人。台。座。下。關。頭。祖。帳。
迴。隔。人。天。官。舍。良。辰。當。非。寂。度。馳。情。感。往。瞻。睇。慈。雲。

分燠噓寒如依膝下。麋身百體未足云耐。娣娣姨姨。
無恙猶憶南樓元夜看燈。諧謔姨指畫屏中一憑欄。
女曰是妖嬈兒。倚風獨盼。恍惚有思。當是阿青妾亦。
笑指一姬曰。此執拂。狡鬟偷近。郎側將無似娣于時。
角彩尋歡。纏綿微曙。寧復知風流雲散。遂有今日乎。
在。看仙槎北渡。斷梗南樓。信語哮聲。日焉三至。漸乃。
微詞含吐。亦如尊旨云云。竊揆鄙衷。未見其可。夫屠。
肆苦心。餓狸悲鼠。此值供其換馬。不卽辱以當爐。去。
則弱絮風中住。則幽蘭霜裏蘭。因絮果現業。誰淡若。

復祝髮空門洗粧浣慮而艷思綺語觸緒紛來正恐
運性雖胎荷緣難殺又未易言此也乃至遠笛哀秋
孤燈聽雨雨殘笛歇謾謾松聲羅衣壓肌鏡無乾影
晨淚鏡朝夕淚鏡汝今茲鷄骨殆復難支痰灼肺然
見粒而嘔錯情易意悅憎不馴老母娣弟天涯問絕
嗟乎未知生樂焉知死悲憾促歡淹無乃非達妾少
受天穎機警靈速豐茲齋彼理詎能雙然而神爽有
期故未應寂寂也至其淪忽亦匪自今結縞以來有
宵靡旦夜臺滋味諒不殊斯何必紫玉成烟白花飛

蝶乃謂之死哉。或軒車南返。駐節維揚。老母惠存。如
妾之受阿泰可念。幸終垂憫。疇昔珍贈。悉令見殉。寶
鈿綉衣。福星所賜。可以超輪消劫耳。然小六娘竟先
期相俟。不變無伴。附呈一絕。亦是鳥語鳴哀。其詩集
小像。托陳媼好藏。覓便馳寄。身不自保。何有于零膏
冷翠乎。他時放船堤下。採梅山中。開我西閣門。坐我
綠陰牀。勞生平於響像。見空幃之寂。是耶非耶。其
人斯在。嗟乎。夫人明真。與路永從此辭。玉腕珠顏。行
就塵土。與思及此。勸也何如。元元。平音。首十。後附。

絕句云。百結迴腸寫淚痕。重來惟有舊朱門。夕陽一片桃花影。知是亭亭倩女魂。生之戚某集而刻之名曰焚餘。

張山來曰。紅顏薄命千古傷心讀至送鵲焚詩處。恨不粉妬婦之骨以飼狗也。○又曰。小青事或謂原無其人。合小青二字乃情字耳。及讀吳紫雲歌其小序云。馮紫雲爲維揚小青女弟。歸會稽馬髦伯。則又似實有其人矣。卽此傳亦不知誰氏手筆。吾友殷曰。戒髮髯憶爲支小白作。未知是否。

姑闕疑焉

義猴傳

朱

曹

集

建南楊子石袍告子曰。吳越間有鬻髯丐子。編茅爲舍。居于南坡。嘗畜一猴。教以盤鈴傀儡。演于市。以濟朝夕。每得食。與猴共。雖嚴寒暑雨。亦與猴俱相依爲命。若父子然。如是者十餘年。丐子老且病。不能引猴入市。猴每日長跪道旁。乞食養之。久而不變。及丐子死。猴乃悲痛。旋繞如人子。躑躅狀。哀畢。復長跪道旁。悽聲頽首。引掌乞錢。不終日。得錢數貫。悉以繩錢入市中。至棺肆。不去。匠果與棺。仍不去。伺擔者。輒牽其

衣裾擔者爲舁棺至南坡殮焉子埋之猴復于道有
乞食以祭祭畢遍拾野之枯薪廩于墓側取向時傀
儡置其上焚之廼長啼數聲自赴烈燄中死行道之
人莫不驚嘆而感其義爰作義猴塚

張山來曰有功世道之文如讀徐阿寄傳